

奏

新授寧夏將軍努蘇寧阿跪
奏爲循化生番俱已誠服所有暫留野馬川防守
兵丁一百五十名撤回營恭摺奏

聞仰祈

聖鑒事竊查前因番子搶掠蒙古牲畜奴才奏明在
於野馬川各要地安兵三百名防守續與甘涼
道富英會勘賊匪雖已遠遁先撤兵一百五十
名仍須暫留兵一百五十名防守緣由奴才與
督臣松筠聯名具奏仰蒙

聖鑒在案奴才隨差人前往循化查探茲於本年二
月二十四日查探人回接台費蔭鄂雲布等來
札循化番族懾以兵威各族均已畏懼投誠業

經完事等語奴才伏思該處各番族既已懼威
投誠不敢再萌搶掠其暫留防守野馬川之官
兵一百五十名自應全行撤退是回營謹將撤兵
緣由理合恭摺奏

聞伏乞

皇上

聖明

睿鑒再新授甘肅提督吉蘭泰現在帶兵追捕賊匪
甘州地方緊要必須大員接署以資慎重查涼
寧西肅四鎮總兵均帶兵出征且無閑鎮可以
委署奴才自當承辦應俟軍務不日告竣吉蘭
泰到甘州接事抑或督臣松筠委署有人奴才
方敢赴寧夏將軍本任合併陳明謹

奏

覽奏俱悉




005153

嘉慶五年二月

二十四

日



國立故宮博物院
NATIONAL PALACE MUSEUM

